



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 67. Raimundus Junior Papæ reconciliatur.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.
A. C. 1224.

gariam & Regna finitima, in Franciam, in Angliam aliasque provincias viros sufficientes & idoneos delegare, præstandæ remissionis peccatorum & Indulgentiæ potestate munitos, qui ad Crucis negotium promovendum audiri debeant & timeri. Legatum etiam cum speciali mandato ad pacem inter Francorum & Anglorum Reges tractandam mittere dignare, & ceteris omnibus ad nostrum negotium spectantibus ita consule, ut nemo amplius negligentia accusetur, ego enim Cælum & terram testes habiturus sum, nihil a me fuisse omissum, quod ad felicem Belli sacri exitum quidquam conferre potuerit. Hæc Epistola Catanæ die quinta Martii Indictione duodecima, nempe anno millesimo ducentesimo vigesimo quarto, data est.

§. LXVII.

Raimundus junior Papæ reconciliatur.

Hanc Imperatoris Epistolam Pontifex Ludovico Regi Franciæ, qui nuper solium conscenderat, misit, deferente Conrado Cardinale, quem proinde Romanam rediisse cognoscimus. Hunc igitur Pontifex cito remisit ad Regem cum Epistola, in qua dicit: *Pro certo Raimundus filius Raimundi, olim Comitis Tolosani,*

7. ep. 380. ap.
Rain. n. 13.
Duchesu. to.
5. p. 859.

Sæcul. XIII.
A. C. 1224.

fani, magnitudinis tuæ potentiam adeo
 reformidare creditur, ut, si cognoscat,
 te cunctis viribus tuis contra se uti
 velle, vim expectare non sit ausurus, sed
 mandatis Ecclesiæ, ut præscripseris, &
 ipse pollicetur, obtemperaturus, quod
 utinam sincera devotione perficiat. Qua-
 re obtestamur te; ipsum regis commo-
 nationibus & comminationibus compelle,
 ut pacem cum Dei Ecclesia querat,
 terra purgetur ab Hæreticis, Ecclesiis
 ac viris Ecclesiasticis, de damnis & in-
 juriis hætenus irrogatis, satisfiat, li-
 bertati Ecclesiasticæ in futura tempora
 provideatur, & honori Amalrici Co-
 mitis Tolosani, cui in hac causa deesse
 non debemus, consulatur. Si hæc præ-
 stiteris, ingens, quod expeditioni sacra
 in Palaestinam nocet, removebis obstacu-
 lum. Illud quoque te rogamus; Lega-
 to nostro in iis plenissimam fidem babe,
 quæ tibi nostro nomine de pace cum
 Rege Angliæ reducenda dicturus est.
 Hæc Epistola die quarta Aprilis anno
 millesimo ducentesimo vigesimo quar-
 to data.

Raimundus sive Regis Ludovici po-
 tentia perterritus, sive alio argumento
 permotus, abjecta omni mora, cum Pa-
 pa pacem iniit. Nam in quodam Con-
 silio, seu Parlamento Generali, a Rege
 Tt 2 die

Gest. Lud.
 Duchesne to.
 5. p. 285.
 G. Nang.
 1224.

Sæcul. XIII.

A.C. 1224.

to. II. Conc.
p. 289.

die quinta Maji eodem anno Parisiis celebrato, Conradus Legatus nomine Papæ Raimundum Catholicum declaravit, & Indulgentiam, quæ in Concilio Lateranensi contra Albigenfes Hæreticos moventibus fuerat instituta, ad tempus revocavit. At Legatus in negotio rogandæ pacis cum Rege Angliæ nihil impetravit; namque Ludovicus Rex postridie Festi S. Joannis in Territorium Pictaviense profectus est, Regi Henrico arma illaturus.

§. LXVIII.

Epistola Papæ de Bello sacro.

Godef. 1224.

8. ep. 404 405

ap. Ra. 1222.

¶ 1. 2. 3.

Inter hæc cum Legatus S. Pontificis Conradus in Germaniam perrexisset, & Coloniae die Veneris post Pentecosten, scilicet die septima Junii anno millesimo ducentesimo vigesimo quarto honorifice fuisset exceptus, commissas sibi ad omnes Germaniæ Metropolitas, eorumque Suffraganeos, Epistolas distribuit, in quibus Papa hæc summam dicit: *Ad exercitationem Fidelium Deus Terram sanctam ab Infidelium tyrannide opprimi passus est, atque experturus, si est intelligens, qui ejus ulcisci velit injurias, & pro tot acceptis beneficiis gratias reddere. Quandoquidem innita exinde bona Christi Fidelibus profusa*